

UČEŠĆE MEDICINSKOG FAKULTETA NA 25. ORPHEUS KONFERENCIJI U CAVTATU

Medicinski fakultet Univerziteta u Sarajevu aktivno učestvuje u praćenju i implementaciji savremenih trendova u oblasti visokog obrazovanja, posebno u domenu doktorskih studija iz biomedicine i zdravstvenih nauka. U tom kontekstu, Fakultet je bio predstavljen na 25. godišnjoj ORPHEUS konferenciji (Organization for PhD Education in Biomedicine and Health Sciences in the European System), koja je održana od 10. do 12. aprila 2025. godine u Cavtatu, Hrvatska, pod nazivom:

“Adapting Academia: Navigating PhD Programs Amidst World Crises and Changes”

Konferencija je okupila predstavnike fakulteta biomedicinskih grupacija, univerzitetske profesore, mentore, istraživače te administrativne rukovodioce iz više od 30 zemalja. Kroz niz panela, predavanja i interaktivnih sesija, diskutovalo se o otpornosti akademskih institucija u vremenu globalnih kriza, etičkim izazovima u doktorskim istraživanjima, digitalizaciji mentorstva, internacionalizaciji programa i unaprjeđenju sistema priznavanja doktorskih diploma na međunarodnom nivou.

U ime Medicinskog fakulteta Univerziteta u Sarajevu, na konferenciji je kao pozvani predavač učestvovala prof. dr Almira Hadžović-Džuvo, redovna profesorica na Katedri za fiziologiju čovjeka i voditelj doktrskog studija na medicinskom fakultetu prof dr Zlatan Zvizdić.

U okviru tematske sesije posvećene priznavanju diploma i međunarodnoj mobilnosti, profesorica Hadžović-Džuvo održala je izlaganje pod naslovom: “Recognition of PhD Diplomas in EU for Non-EU Countries: Challenges and Perspectives”. U svom izlaganju predstavila je ključne izazove i perspektive priznavanja doktorskih diploma stečenih izvan Evropske unije, s posebnim fokusom na harmonizaciju standarda, digitalizaciju procesa, te ulogu univerzitetskih partnerstava u stvaranju inkluzivnog akademskog prostora.

Učešćem na ovoj prestižnoj konferenciji, Medicinski fakultet UNSA dodatno je potvrdio svoju posvećenost unapređenju dokorskog obrazovanja i aktivnu ulogu u međunarodnoj akademskoj zajednici, kroz promociju kvaliteta, razmjenu iskustava i razvoj saradnje sa relevantnim institucijama širom Evrope.

